

# **Nefi**

## **- Őiirler -**

**Yayın Tarihi:**

9.4.2004

**Yayınlayan:**

Antoloji.Com Kltr ve Sanat

Yasal Uyarı: Bu ekitap, bilgisayarınıza indirip kayıt etmeniz ve ticari olmayan kiŐisel kullanımınız iin yayınlanmaktadır. Őiirlerin kopyalanması, gerek veya elektronik ortamlarda yayınlanması, dađıtılması Trkiye Cumhuriyeti yasaları ve uluslararası yasalarla korunmaktadır ve telif hakları temsilcisinin nceden yazılı iznini gerektirir. Bu dokman Antoloji.Com tarafından yayınlanmıŐtır. Antoloji.Com tm blmleriyle, Fikir ve Sanat Eserleri Yasası'na %100 uygun olarak yayın yapmaktadır.

## **Ağyâre nigâh etmediğın nâz sanırdım**

Gazel

Ağyâre nigâh etmediğın nâz sanırdım  
Çok lutf imiş ol âşıka ben az sanırdım

Gamzen dili rüsvâ-yı cihân eyledi  
Billâh ben ol âfeti hem-râz sanırdım

Seyr eylemesem âyînede aks-i cemâlin  
Hüsn ile seni meh gibi mümtâz sanırdım

Ma'mûr idüğın bilmez idim böyle harâbât  
Mestâneleri hâne-ber-endâz sanırdım

Sihr etdiğini senden işitdim yine Nef'î  
Yoksa sözünü hep senin i'câz sanırdım

Nefi

## Âşık olduk dâm-ı zülf-i yâre düşdü gönlümüz

Gazel

Âşık olduk dâm-ı zülf-i yâre düşdü gönlümüz  
Akla uyduk bir garîb âvâre düşdü gönlümüz

Gamdan âzâd olmağa bilmem ne çâre eylesek  
Kaldı hayretde acep bîçâre düşdü gönlümüz

Âşık olmakdır yine evlâsı ammâ derd bu  
Bir mülâyim âfet-i mekkâra düşdü gönlümüz

Çeşmi bir zahm urdu tîğ-ı gamze-i bürrân ile  
Göz yumup açınca yüz bin pâre düşdü gönlümüz

Fâriğ olsak n'ola dilber sevmeden Nef'î gibi  
Hüsn-i hulk-ı şâh-ı meh-dîdâra düşdü gönlümüz

Şevkimiz yok zevk-i câm-ı lâ'l-i nâb-ı dilbere  
Şi'r-i hâkân-ı şeker-güftâra düşdü gönlümüz

Hazret-i Sultân Murâd Hân-ı kerîmü's-şân kim  
Şevk-i medhiyle garîb efkâra düşdü gönlümüz

Cüst ü cû etdik âlem-i endîşede  
İztirârî vâdî-i inkâra düşdü gönlümüz

Nefi

## **Âşıkta ta'n etmek olmaz mübtelâdır n'eylesin**

Gazel

Âşıkta ta'n etmek olmaz mübtelâdır n'eylesin  
Âdeme mihr ü mahabbet bir belâdır n'eylesin

Gönlü dilberden kesilmezse acep mi âşıkın  
Gamzesiyle tâ ezelden âşinâdır n'eylesin

N'ola ta'yin etse zabt-ı mülk-i hüsnü gamzeye  
Zülfü bir âşüfte-i ser-der-hevâdır n'eylesin

Zülfüne kalsa perîşân eylemezdi dilleri  
Anı da tahrîk eden bâd-ı sabâdır n'eylesin

N'ola olsa muztarib hâl-i dil-i uşşâkdan  
Sînesi âyîne-i âlem-nümâdır n'eylesin

Olmasa Nef'î n'ola dil-beste zülf-i dilbere  
Tab'-ı şûhu dâma düşmez bir Hümâdır n'eylesin

Nefi

## **Bâde gam verir bize biz âşık-ı dîvâneyiz**

Gazel

Bâde gam verir bize biz âşık-ı dîvâneyiz  
Gelmeden bu bezme câm-ı aşk ile mestâneyiz

Çekmeziz renc-i humârı ömrümüzde gerçi biz  
Gam değil mahmûr olursak sâkî-i meyhâneyiz

Âşık-ı yek-reng ü rindân-güşâde-meşrebiz  
Bezm-i hâs-ı vahdete hem bâde hem peymâneyiz

Hem gülüz hem bülbülüz germiyyet-i aşk ile biz  
Dâğ-ı derde şu'le vü şem'-i gama pervâneyiz

Rind-i aşkız hâsılı Nef'î-i bî-pervâ gibi  
Âşinâyâ âşinâ bîgâneye bîgâneyiz

Nefi

## Bercesteler

Gönül ne gök ne elâ ne lâciverd arıyor  
Ah bu gönül bu gönül kendine derd arıyor  
\* \* \*

Ne tende cân ile sensiz ümmîd-i sıhhat olur  
Ne cân bedende gam-ı firkinle rahat olur  
\* \* \*

Ne şeb ki kûyine yüz sürmesem ölürüm  
Ne gün ki kaametini görmesem kıyâmet olur  
\* \* \*

Mecnun ne bilir kaaide-i nâz u niyâzı  
Aşık mı sanır kendin o meczûb-ı muhabbet

Nefi

## Ecel Mihriban Olur

Kasîde

Gamzen ne dem ki tiğ çekip hûn-feşân olur  
Uşşâk-ı dil-figâra ecel mihribân olur

Çeşmin o Kahraman-ı gazab-nâkdir senin  
Kim hışmı zâil olsa dahi bî-emân olur

Kim gördü böyle Hindû-yı mest-i kemin-küşâ  
Kim bir hadengi âfet-i can-ı cihan olur

Müjgânlarınla seyreden ol ebruvanı der  
Birden bu denlü tir nice der-kemân olur

Gamzen suâle başlasa uşşâka her müjen  
Gûya lisân-ı hâl ile bir tercemân olur

Gamzen görür itâb ile öldürdüğün bizi  
Durmaz girişme dahi ana hem-zebân olur

Bu nâz u nigâh-ı tegâfûl ki sende var  
Hızr olsa âşıkın sebep-i terk-i cân olur

Sen böyle nâz u şîve satınca gedâlara  
Narh-ı metâ-ı derd ü belâ râygân olur

Yeksân ise yanında seven sevmeyen seni  
Hûbâna bu muâmeleden çok ziyân olur

Râzî değilse ger buna nâmûs-ı dilberî  
Uşşâka derse böyle ihânet yamân olur

Her nâ-mahâlle ruhsat-ı nezzâre ya neden  
Bir gün demez misin ki mahallinde kan olur

Dil bu hevâ ile kafes-i teng-i sînede  
Mânend-i mürg-i bâl-şikeste tapân olur

Kim gülşen-i ruhunda vere nağmeye karâr  
Tâ ol zamân ki bâğ-ı cihân pür-hazân olur

Fikreyleyince dâm-ı girih-gîr-i zülfünü  
Bir hâlet elverir ki kafes gülsitân olur

Zülfün mü ya gezende siyeh mâr-ı hambeham  
Kim pâsbân-ı genc-i nihân-ı miyân olur

Yahut hümâ şikâr edici şâhbâzdır  
Dâim hevâ-yı sayd ile bî-âşiyân olur

Gâhi halka durur pîç ü tâb ile  
Tuğr-yi hükm-i pâdişah-i hüsn ü ân olur

Gâhî ki deste deste yatur yerde gûyiyâ  
Çârûb-ı âsîstân-ı memâlik-sitân olur

Ol safder-i yegâne ki tâb-ı mehâbeti  
Cevşen-güdâz-ı Tehmeten ü Kahramân olur

Diller döyer mi görmeğe cenk içre nîzesin  
Ol dem ki hûn-ı düşmen ucundan revân olur

Saflar düzüp hücûm edicek hayl-i düşmene  
Dehşetle âsumân u zemîn pür-figân olur

Oklar sihâm-ı kavs-i kazâdan nişân verir  
Peykân-ı tîr ise ecel-i nâgehân olur

Ëvc-i hevâda sıyt-ı çekâçâk-ı tığdan  
Âvâz-ı ra'd u sâika reh güm-künân olur

Sensin o saf-şiken ki yazılsa menâkıbın  
Her muhtasar rivayeti bir dâsitân olur

Hakka benem ol nâdire-perver ki her sözüm  
Bir tuhfe gibi elden ele armağân olur

Nefi



## **Ey dil hele âlemde bir âdem yođ imiř**

Kıt'a

Ey dil hele âlemde bir âdem yođ imiř  
Vâr ise de ehl-i dile mahrem yođ imiř

Gam çekme hakîkatde eđer ârif isen  
Farz eyle ki el'ân yine âlem yođ imiř

Nefi

## **Hem kadeh hem bâde hem bir şûh sâkîdir gönül**

Gazel

Hem kadeh hem bâde hem bir şûh sâkîdir gönül  
Ehl-i aşkın hâsılı sâhib-mezâkîdır gönül

Bir nefes dîdâr için bin cân fedâ etsem n'ola  
Nice demlerdir esîr-i iştîyâkîdır gönül

Dildedir mihrin ko hâk olsun yolunda cân u ten  
Ben ölürsem âlem-i ma'nâda bâkîdir gönül

Zerredir ammâ ki tâb-ı âfitâb-ı aşk ile  
Rûzigârın şemse-i tâk u revâkîdır gönül

Etse Nef'î n'ola ger gönlüyle dâ'im bezm-i hâs  
Hem kadeh hem bâde hem bir şûh sâkîdir gönül

Nefi

## **Siham-ı Kaza'dan**

Gürce hınzırı a samsun-ı muazzam a köpek  
Kande sen kande nıgehbani-i alem a köpek

Vay ol devlete kim ola mürebbisi anun  
Bir senin gibideni cehl-i mücessem a köpek

Ne güne kaldı meded devlet-i Al-i Osman  
Hey yazuk hey ne musibet bu ne matem aköpek

Ne ihanetdür o sadra bu zamanda ki anun  
Olmaya sahibi bir Asaf-ı kerem a köpek

Hidmet-i devlete sair vüzeradan göreler  
Bir fûrumaye koca ayuyı akdem a köpek

Bu mahlallerde ki Bagdadı ala şah-ı Acem  
Arz-ı rumu ede teshir Abaza hem a köpek

Sattınız iki soysuz bir olup hanlığı  
Kimseyietmedünüz bu işe mahrem a köpek

Paymal eylediniz saltanatın ırzını hem  
Yok yereoldı telef ol kadar adem a köpek

Hiç hanlık satılır mı hey edebsiz hain  
Tutalım olmamış ol fitne muazzam a köpek

Sen kadar düşmen-i devlet mi olur a hınzır  
Ne turur saltanatun sahibi bilsem a köpek

Ëhl-i dil düşmeni din yoksulu bir melunsun  
Öldürürlerse eğer can-be-cehennem a köpek

Böyle kalur mu soysuzlar elinde devlet  
noldu ya gayret-i şahenşeh-i azam a köpek

Hak götürdü arabı gitti hele dünyadan  
Kim götürse akabince seni bilmem a köpek

File nazar meger yükledeler tabutunu  
Çekemez cife-i murdarunu adem a köpek

Filler de çekemezse ne acep laşeni kim  
Var mı bir sencileyin div-i mülahhem a köpek

Sen soysuz eşek ol Kirliorospu yaraşur  
Bindürüp sırtına teşhir edersem a köpek

Nefi

## **Tûtî-i mu'cize-gûyem ne desem lâf deđil**

Gazel

Tûtî-i mu'cize-gûyem ne desem lâf deđil  
Çarh ile söyleşemem âyînesi sâf deđil

Ehl-i dildir diyemem sînesi sâf olmayana  
Ehl-i dil birbirini bilmemek insâf deđil

Yine endîşe bilir kadr-i dür-i güftârım  
Rûzigâr ise denî dehr ise sarrâf deđil

Girdi miftâh-ı der-i genc-i ma'ânî elime  
Âleme bez-i güher eylesem itlâf deđil

Levh-i mahfûz-ı suhandir dil-i pâk-i Nef'î  
Tab'-ı yârân gibi dükkânçe-i sahhâf deđil

Nefi

## Yazanlar peykerim destimde bir peymâne yazmışlar

Gazel

Yazanlar peykerim destimde bir peymâne yazmışlar  
Görüp mest-i mey-i aşk olduğum mestâne yazmışlar

Bana teklîf-i zühd etmezdi idrâk olsa zâhidde  
Yazıklar kim anı âkil beni dîvâne yazmışlar

Değildir gözlerinde sâye-i müjgânı uşşâkın  
Hatın resmin beyâz-ı dîde-i giryâne yazmışlar

Benim âşık ki rüsvâlıkla tutdu şöhretim şehri  
Yazanlar kıssa-i Mecnûnu hep yâbâne yazmışlar

Nice zâhirdir ey Nef'î sözünden dildeki sûzun  
Yazınca nüsha-i şi'rin kalemler yâne yazmışlar

Nefi

## Yoklamazsın hiç var mı dilde dâğın yâresin

Gazel

Yoklamazsın hiç var mı dilde dâğın yâresin  
Böyle mi gözler güzeller âşık-ı bîçâresin

Âh ile derdi bilinmez âşık-ı bîçârenin  
Çâk çâk ede meğer âhi dil-i sad-pâresin

Gördüğün öldürmedir kârı o hûnî gözlerin  
Koymaz anıçün elinden gamzeler gaddâresin

Zülfüne bend etmesin yâ n'eylesin Mecnûn gibi  
Zabta kâdir olmayan âşık-ı dil-âvâresin

Halka-i zülfünden eyler dil temâşâ ruhların  
Vermese hurşîde n'ola revzen-i nezzâresin

Derdin izhâr etmek ister dâ'imâ Nef'î sana  
Sen de lutf et yokla bir gün dilde dâğın yâresin

Nefi